

## Reglur um niðurgreiðslu á daggæslu í heimahúsum Gildistími frá 1. september 2013

1. Foreldrar sem eiga lögheimili í Akureyrarkaupstað og vista börn sín hjá dagforeldrum sem hafa staðfest leyfi til daggæslu frá sveitarfélaginu, geta sótt um niðurgreiðslu á daggæslugjöldum.
2. Við upphaf gæslunnar geta foreldrar sótt um niðurgreiðslu á daggæslugjöldum og ákveður bæjarstjórn upphæð niðurgreiðslu hverju sinni að fenginni tillögu fræðslunefndar og tekur hún mið af fjárhagsáætlun hverju sinni. Niðurgreiðslan tekur mið af lengd vistunartíma sem foreldrar kaupa í daggæslu, að hámarki 7 tíma daglega. Dagforeldrar hafa val um tvenns konar form á niðurgreiðslum.

**Þjónustusamningur:** Gerður er þríhliða þjónustusamningur milli dagforeldra, Akureyrarkaupstaðar og foreldra, sjá þjónustusamning fylgiskal I. Í honum felst að sett er hámarksgjald fyrir daggæsluna og inniheldur hámarksgjaldið greiðslur fyrir gæslu, viðhalds-, og leikfangakostnað. Hámarksgjald er kjarasamningsbundið og tekur sömu breytingum og laun ófaglærðra starfsmanna í leikskólum sem vinna samkvæmt launataxta Einingar – Iðju, L.fl. 121 – grunnlaun. Dagforeldrum er heimilt að taka lægra gjald en hámarksgjald kveður á um. Foreldrar undirrita þjónustusamning hjá dagforeldrum. Uppsagnarfrestur samnings er einn mánuður og tekur uppsögn gildi 1. eða 15. dag mánaðar. Uppsögn á samningi skal vera skrifleg. Ekki þarf að segja upp þjónustusamningi vegna breytinga á upphæð niðurgreiðslu bæjarins, enda verði þær tilkynntar með a.m.k. mánaðar fyrirvara. Forsenda þess að þjónustusamningur sé virkur er undirritun samnings um daggæslu í heimahúsum milli dagforeldris og Akureyrarkaupstaðar, sem samþykktur var í fræðslunefnd 20. júní 2013 og í bæjarráði 4. júlí 2013. **Niðurgreiðsla samkvæmt reglum um niðurgreiðslu frá 1. mars 2006, endurskoðaðar 1. september 2013:** Gildir hjá þeim dagforeldrum sem ekki kjósa að gera þjónustusamning við Akureyrarkaupstað. Eyðublöð um niðurgreiðslu liggja frammi á fræðslusviði Akureyrarkaupstaðar, Glerárgötu 26, og hjá þeim dagforeldrum sem velja þetta fyrirkomulag.

3. Niðurgreiðslan tekur mið af þeim tíma sem foreldrar greiða fyrir þjónustuna. Niðurgreiðslan nær ekki til þess tíma sem dagforeldri er fjarverandi vegna veikinda umfram 10 daga eða af öðrum ástæðum. Foreldrar staðfesta forföll dagforeldra og/eða umsaminn dvalartíma með undirskrift sinni á “yfirliti yfir skráð börn í gæslu” sem dagforeldrar skila til fræðslusviðs fyrir 25. dag hvers mánaðar. Mánaðarleg skil þessa lista ásamt þríhliða þjónustusamningi eða samþykkttri niðurgreiðslubeiðni er forsenda þess að niðurgreiðsla sé veitt. Nöfn allra barna í daggæslunni og undirskrift allra foreldra, skulu koma fram á listanum, líka þeirra sem ekki njóta niðurgreiðslu.
4. Endurnýja þarf þjónustusamning ef skipt er um dagforeldri, ef hjúskaparstaða foreldra breytist, ef foreldrar fara í nám samkvæmt 7. gr., við námslok eða ef gæslutími breytist. Einnig þarf að endurnýja samninginn ef staða foreldra á vinnumarkaði breytist, þ.e. þeir verða atvinnulausir eða fara á 75% örorku.
5. Daggæslugjöld eru greidd niður í allt að 11 mánuði ársins. Ekki er niðurgreitt fyrir börn af leikskólum sem dvelja í daggæslu yfir sumartímann.
6. Fjölskylduafsláttur er samtengdur milli daggæslu, leikskóla og/eða frístundar. Til að njóta fjölskylduafsláttar þurfa börnin að vera skráð á kennitölu sama forráðamanns og með sameiginlegt lögheimili.
  - Greitt er fullt gjald fyrir yngsta barn
  - Annað barn 50% afsláttur
  - Þriðja barn 100% afsláttur
    - Foreldrar fjölbura í daggæslu fá 50% afslátt af gjaldi foreldra samkvæmt gjaldskrá þjónustusamnings.

7. Niðurgreitt er með eftirfarandi hætti fyrir börn á aldrinum 6 mánaða til 6 ára, þó eigi lengur en fram að þeim tíma er barn hefur grunnskólagöngu. Niðurgreiðsla hefst daginn sem barnið nær niðurgreiðslualdri.
- Fyrir börn einstæðra foreldra, foreldra þar sem báðir aðilar eru í fullu námi sem varir í eitt ár eða lengur, foreldra sem eru báðir skráðir atvinnulausir að fullu eða 75% öryrkjar, annað foreldri í námi og hitt atvinnulaust eða 75% öryrki getur niðurgreiðsla hafist við 6 mánaða aldur barns.
  - Foreldrar þurfa að sýna fram á skólagöngu sína með skólavottorðum í byrjun hvern annar. Foreldrar sem slíta samvist eða skilja á daggæslutímanum og óska eftir lægra daggæslugjaldi, skulu sýna fram á slit hjúskapar eða sambúðar með vottorði frá Sýslumanni. Foreldrar sem eru atvinnulausir verða að skila vottorði frá Vinnuálastofnun um hver mánaðamót. Foreldrar sem eru öryrkjar verða að skila inn vottorði frá Tryggingarstofnun Ríkisins.
  - Gera þarf nýjan þjónustusamning vegna breytinga á ofangreindum aðstæðum foreldra.
- Fyrir öll önnur börn getur niðurgreiðsla hafist við 9 mánaða aldur barns.
  - Fyrir börn sem vegna fötlunar sinnar þurfa sérstaka umönnun og taka því meira en eitt pláss í daggæslu er niðurgreitt samkvæmt reglum þessum, ásamt því að greitt er fyrir það pláss sem ekki nýtist. Tímalengd sem greidd er vegna sérstakrar umönnunar er metin af starfsmönnum fræðslusviðs og fjölskyldudeildar Akureyrarkaupstaðar.
  - Dagforeldrar fá niðurgreitt með eigin börnum samkvæmt reglum þessum, að hámarki 7 tíma daglega, virka daga. Niðurgreiðslu skal miða við dvalartíma annarra barna í daggæslunni. Ef börn dagforeldra eru í leikskóla dregst dvalartíminn þar frá.
8. Verði dagforeldrar og foreldrar uppvísir að rangfærslum við tímaskráningu barna vegna niðurgreiðslu á daggæslugjöldum verður dagforeldri svipt leyfi til daggæslu með mánaðar fyrirvara og niðurgreiðslur til viðkomandi foreldra falla niður.

*Uppfært í janúar 2016 með tilliti til breytinga á fjölskylduafslætti og breytinga á launatöflu sem dagforeldrar fylgja. Uppfært í mars 2017 eftir stjórnisýslubreytingar hjá Akureyrarkaupstað.*